

mana Karaitiana e haere nei i te Ao ara ko te British Navy i whakatapua i roto i te whakapono i mahia ana tikanga i runga i te Kaupapa o te Paipera. Na reira ra a te Arawa i whakapau ai i tona kaha ki te manaaki i tenei Manuhiri.

I te 17 o nga ra ka tangi nga waea a te Arawa e mihi atu ana kia Atimara Field raua ko Brand me Captain Parker me nga Apiha me nga tangata Katoa: "Haere ra e hoki ki o koutou Kainga i Ingarangi Kia ora, kia ora."

I tae mai a ratou waea mihi iho: "Hei konei kaore koutou e wareware ia matou."

Heoi. Na to Hoa aroha.

—Na "*Homai te Toki.*"

TE AUTE KARETI.

NGA WHAKAMATAUTAU.

(*Na E. F. Loten, Tumuaki o Te Aute.*)

TOKOONO nga tamariki o Te Aute i uru ki te whakamatautau mo te Matriculation i a Tihema nei. Tokotoru i paahi, tokorua i paahi i etahi o nga putake, kotahi kaore i paahi.

Ko nga tamariki enei i paahi:—Ruka Rangi, Waaka Morete, Norris Turley.

No nga tamariki enei i paahi i etahi o nga putake:—Turiroa Prentice, Pene Whaipooti.

KARAHIPi MAHI NIHO.

Kua whiwhi a Waaka Morete me Ruka Rangi ki nga karahipi Mahi Niho (Dental Bursary). Ko te wariu o enei karahipi e £60 i te tau, me te utu hoki a te Kawanatanga i nga moni mo nga Kai-whakaako o nga Kura Nunui (University). Kua tae enei tamariki ki Otakou, ara ki Dunedin, ki te wahi i tu ai te kura-nui mo era matauranga. Ka paahi ana enei tamariki i era matauranga, ka uru raua ki roto i te Tari o te Ora mahi ai.

HEI ROIA.

No tera tau ka tae a Joe Karauria, raua ko Rangi Waikare ki te Kura nui i Christchurch. Kua paahi raua i o raua Whakamatautau tuatahi, mo nga kaupapa whakamatautau roia.

KARAHIPi AHUWHENUA.

Ka rua nga tau o Paora Matenga i te karaihe ahuwhehua i Te Aute. Inaianei kua whiwhi ia ki te Karahipi Kawanatanga e £60 i te tau mo nga tau e rua ki te Kura Ahuwhehua a te Kawanatanga i Ruakura.

Ka pai koutou tamariki ma! Kia mau te kaha. Whakamomori tonu a ichichi noa koutou, ki o koutou taitara. Ko koutou hei hapai i te ingoa honore mo te iwi Maori, mehemea ra ka noho pai koutou a tutuki noa a koutou mahi. Kana hei maharahara mai ki nga puha o te kainga! Kainga ko nga kai ataahua a te pakeha!

—Te Etita.

Kaore e hapa te ora o te rewharewha me te maremare i te
WOODS' GREAT PEPPERMINT CURE— 1/9, 2/9 patara.